



Dovre kyrkjelege råds høyringsuttale til regler for valg av menighetsråd, bispedømmeråd og Kirkemøtet

Generelt:

- Kyrkjevalget bør planleggast og gjennomførast mest mogleg likt andre offentlege valg, både av hensyn til velgaren og dei som skal handtere valget.
- Endringar av valgreglar ved kvart valg er krevjande for små administrasjonar.
- Økonomisk tilskott til soknerådet for kyrkjevalget er avgjerande for å gjennomføre valget på ein tilfredstillande måte og for å kunne gje noko godtgjering til valgfunksjonærene. Viktig at tilskottet blir vidareført på minimum samme nivå som ved sist valg.

§ 1-3 og § 1-4

Dagens sammensetning av menighetsråd og bispedømmeråd er ulik m.t.p. ansattes representantar. Dette bør Kirkerådet arbeide vidare med.

Direktevalg eller kombinasjonsvalg av leke medlemmer til bispedømmeråd

Direkte valg på alle leke medlemmar i alle bispedømme. Direktevalg gjev kyrkjemedlemmane større innverknad og bidreg til større engasjement.

Fleirtals- og forholdstalsvalg

Det bør vera like fristar for innlevering av listeforslag. Det bør vera ope invitasjon til ulike grupper om å levere listeforslag, og på den måten stimulere til eit ope og levande kyrkjedemokrati. Reglane må gjerast mest mogleg enkle, og med samme prosedyrer og frister uavhengig av antall lister.

§ 6-4 Krav til listeforslag

Frist 1. juni er etter vår meining for seint med tankje på å kjentgjort lister og valget i lokale menighetsblad. Alle lister må leverast innan samme dato. Greit å bruke samme frister som ved kommunevalg.

§ 6-4 Supplerande nominasjon

Moglegheit til å supplerande nominasjon bør gå ut. Forslag til lister og personer må meldast innan gjeve frist. Dersom det er viktig å få inn kandidater med eitt synspunkt, må dei engasjere seg i tidlegare i prosessen.

Tilskottsordning for finansiering av nomineringsgrupper m.m.

Det kan gjevast eit mindre tilskot til nominasjonsgrupper som stiller liste, men dette må ikkje gå på bekostning av støtte til sokneråda for å gjennomføre valget.

Personstemmer og stryking

Det er ikkje høve til å stryke kandidatar. Talet på tilleggsstemmer er avgrensa til tre.

Personvalreglar internt på listene

Reglane ved kyrkjeval bør vera mest mogleg lik reglane ved andre valg, og det bør derfor innførast ei sperregrense ved val til BDR/KM.



Stemmetillegg

Nominasjonskomiteen kan gje personar stemmetillegg. Dette kan vere viktig for å sikre balanse i kjønn, geografi, kompetanse, erfaring og andre høve som er viktige. Dette er vanleg ved andre offentlege valg.

Valgkretsar

Vidareføre dagens valgkrinsar.

Stemmegeving avgrensa til eige sokn på valgdagen

I utgangspunktet bør det vera mogleg å stemme i alle sokn innanfor kommunen på valgdagen. Soknegrenser er ikkje samanfallande med kommunens stemmekretser, og dersom velgar ikkje får høve til å stemme utanfor eige sokn vil det svekke valgdeltakinga. Der det p.g.a. store avstandar eller mange sokn, er vanskeleg å gjennomføre dette, kan det søkjast dispensasjon frå denne regelen.

Manntal

30. juni som skjeringsdato bør innførast også ved kyrkjevalg, slik at det blir samsvar med andre valg. Det er ikkje nødvendig med eige manntal for prestar og lek kyrkjeleg tilsette, men manntalet må vera oppdatert med kven som har eit tenesteforhold i DNK.

Registrering av nomineringsgrupper

Det er greitt med eit likelydande namn for nominasjonskomiteen si liste. Vi ynskjer at det vert funne eit namneforslag som seier at dette er forslaget frå sokneråda i bispedømmet. «Felleslisten» er eit dårleg namneforslag.

Tal på kandidatar på eit listeforslag

Talet på kandidatar bør være likt uavhengig av antall lister som blir levert. Antall kandidatar må være minimum antall medlemmer og varamedlemmer. Dette vil også redusere behov for suppleringsvalg dersom nokon fell frå, flytter, melder seg ut osv.

Trykking av stemmesetlar

Soknerådet har ansvar for trykking av stemmesetlar til soknerådsvalg, og BDR har ansvar for trykking av stemmesetlar til BDR-val.

Førehandsrøysting

Det bør være mogleg å førehandsrøyste og valstyret må avgjera omfanget. For å gje alle reell moglegheit for å stemme, bør ambulerande stemmegeving samordnast med andre offentleg valg.

Prosedyre for oppteljing

Lokalt valgstyre reknar kor mange stemmer kvar liste har motteke til valg av BDR/KM, og rapporterer dette innan kl. 12 dagen etter valgdagen.

Konsekvensar for kjønn og likestilling

Vidareføring av dagens reglar. Vi vil også påpeike at geografi er viktig å hensynta ved valg av bispedømmeråd.

Rett til å kreve fritak fra valg (§ 3-7)

3 dager er for kort frist for å varsle frå. Vi foreslår samme frister som ved kommunevalg.